



HERCVLES

SIVE

LABORVM FELICITAS

DEFENSA

A D. Hieronymo Bendando

Sac. Theol. in Archigymnasio Bonon. Doct.

Dum ad Studiorum initium

PROLVDEBAT.



Bononia, Apud Clementem Ferronium 1639.
Superiorum permissu.

2



HERCULES

214 E

LIBRARY OF CONGRESS

DESCRIPTIVE

A. D. 1800

1800

1800

1800

1800

1098.1

REVERENDISS. PATRI

D. SEBASTIANO

SIGHICELLO

Inter Canonicos Sancti Saluatoris
Abbati Præstantissimo.

*Circumivit per aliquot li-
teratorum manus Sol nu-
per exortus; qui cum elo-
quentia simul, ac eruditione
renideat, visus est di-
gnus, qui etiam è typorum
meorum emergat orizonte. Ecce, post paulò
natum (Abbas doctissime) Et tuis auspicijs.
Quàm vero feliciter! In ampliorem .n. gi-
rum excursurus, sui ipsius diem producet;
nec ante occidet, quàm plurimi sese mirentur,
Et forsàn admirentur. Et si natiuas ali-
quas contraxerit maculas, à quibus nec ipse
Sol putatur immunis, addito sibi tui nominis
splendore, totus fundetur in lucem. Persua-
debar ut tibi hac lumina dirigerem, quod*

humaniorum literarum aequè celebraris, ut
cultor, ac sacratioris sapiètiæ cōsultus. No-
ui etiam Auctorem tui obseruantissimum,
quem cum sapè Collegam tuum audiueris,
vel intra lèdis Theologiae laureis orantē, vel
edocentē in Cathedris, vti tibi simillimū, co-
gnitus es mutua dilectione venerari. Quo-
modo dubitasti ergo, ne eius scripta libenter
legisses quem vnicè colis? Adde hoc mei in
te monumentum obsequij fuisse opportunè
vulgatum, ne suspicatus esses, me, meosq;
qui Illustrissimo Patruo tuo Episcopo Fa-
uentino dudum inservire capimus, Et tibi
successivè multoties, in nimia officiorum di-
latione defecisse. Si votum hoc meum, velu-
ti reuerentiæ significationem accipies, fiet ut
ad maiora offerenda disponar. Vale.

Paternitatis tuæ Reuerendiss.

Deiunctissimus Servus.

Io. Baptista Ferronius.

Pol.



5
OSSEM fortasse plenius vobiscum im-
pendere gratulationis officium N N.
quod hætenus tot itinerum labores
emensi, hūc tandem aduentastis incolum-
mes celebraturi Comitia. Imo verò
peropportuna mihi laudandi vos offer-

retur occasio, ac paria laudationis argumenta suppete-
rent, siuè vestram rei monasticæ politiam, siuè cum mo-
ribus doctrinæ concentum, siuè denique animos vestros
varijs locorum interstitijs nuper abiunctos, nunc vnanimi
ardore hic in vestræ Congregationis regimen conspiran-
tes commemorarem. Hæc enim omnia, vel etiam singu-
la perlustrare discursu, inuidendam laudis vestræ foret
encomium. Atqui, SOLEM, quem proposuistis hodie su-
spiciendum ac cōmendandū (BENEDICTVM inquā) &
mihi erit intueri perarduum, & condignis venerari præ-
conijs, prope impossibile. Etenim habetis oculi insolitus
ausus, irritusque conatus est velle mirari Solem defixis
palpebris, quem cum solū connuendo suspetet, verius
inuisum speculabitur, quam visum. Si SOLEM obiecistis,
cur rogā illi noctuam admouistis, cui grauius est nihil,
quàm Solis sustinere conspectum? Perinde quasi dees-
sent huic Ioānnes Euāgelistæ Cænobio Aquilæ, quæ viuaci-
ori oculorum acie suum Solem aspicerent? Aut forsan
Florentissimi huius Parmensis literarum viridarij verna
feracitas heliotropia non tulit, quæ abeuntem quaquā-
versum Solem ad occasum vsque sympatico comitentur
intuitu? Quid ergo seligere flosculum, qui incalescente
meridie flaccescit statim in vesperali defluuiō? Quò spe-
ctat vestrum iam penetraui consilium. Mihi hanc ideo
prouinciam demandastis, vt in quo nulla subluceat dicen-
di perspicuitas, eiusdem in opacitate stili, atque duritie splen-


splēdeat magis oppositi radij reflexū lumē. Sic etiā in appēsa graphide EXORIENTI SOLI FVGANDAM cōsocioastis, & NOCTEM, vt per vmbraŕū recessus lux euibrata splendidius niteat in facie tenebrarum. Sit vt vultis: saltem, vt hunc SOLEM exornem, non est opus mihi lumina laudum aliunde mutuari, neque adscitos emendicare fulgores, cum ingeniti, cum proprij satis hic, ac superabundent.

Quā appositē Planetarum principe Patriarcha noster exprimitur? Sit sanē Sanctorum cuilibet decus suum, & laus: non video tamen, quīſnam cōnobitarum æquior lance comparandus sit SOLI, quā Benedictus. Nec Benedictus potuit exemplari alio ſimilius configurari, quā SOLIS. Vtriusque attributa Principatus, neceſſitas, splendor, vnitas pari tenore concordant adeo, vt, quod est SOL inter astra, inter clauſtra idem sit Benedictus. Sine Sole dictitabat Heraclitus noctem in orbe fore perpetuam: de Benedicto idem ille, qui ante purpuram etiam viſus est historicorum Eminentissimus Baronius, inquam ita testatur. *Tempore, quo vniuerſa Italia, Gallia, Hispania, atq; Africa à Gothis, & Vandalis Hæreticis Arianis possidebantur oriensq; pænè totus esset infectus hæresibus; in tam terra noctis obscuritate, densaq; caligine, eiusmodi claritudo lucis effulſit, quā vniuerſus Catholicus orbis illustraretur.*

Funeſtabat vniuerſum NOX atra infidelitatis, lumen fidei iam vel occiderat occiforum sanguineo merſum Oceano, vel plurimorum ſuperſtitum perfidia tenebrabatur. Charitas ipſa, quæ ſais faculis in lucis potest eſſe ſubſidiū, aut cum fidelitate habuit eo nunc occaſum, vel ſi qua ſciotilla ſupèrerat, in illius NOCTIS algore luminis plerūque perpeſſa deliquium exinguebatur. Trepidabat ele-

EIVSDEM

7



DOMINVS HIERONYMVVS BENDANDVS

Anagramma

VENERANDVM BONI HOMINIS STDVS.



O Quisquis sophia lassatus in aequore quaris,
Vnde hominum vosis aura secunda fluat,

Hac VENERANDVM aperis verforia STDVS,
& ista

Quae bona sine HOMINIS dat Cynosura BONI.



FE

FREDERICVS HILLEBRINK

Suo Doctori subscribens, hanc præmittit fidem

Lectori.

SIT tandem quæsiuisse satis (mi Lector) incassum diù felicitatem. O quoties indolui tandem quæsitam, nec unquam fuisse repperam! Hactenus aut inuisa delusit auios oculos: aut innaccessa laxauit accedentium pedes. Dabatur quidem mortalibus concupiscere posse, at vacuis semper votis. Eò veneramus, miseri, ut amplius felicitatem non expediret appetere, ne in expleta semper voluntate, fieremus anxietate infeliciores. Videbis mox quot ad felicitatem calles excogitavit auaritia, quotq; delusos ad falsam solum deuius error adduxerat. Hic tandem datur inquisita diutius, modò frui comperta. Et o quàm facile assequeris! Non asseruat hanc inimica tenacitas, non negant hanc inuide manus, nec remouet eandem insensa difficultas: quippè non donatur hæc, nec ab alio conceditur, nec extra te residet. Hanc, inquam, habebis sine labore, modò labores. Vale. Meliora præcabor labora.



O' deuenit otij iam decurrentis, atq;
in deterius ruentis sæculi tempestas,
vt hominum pars longè maior nulli
prorsus disciplinæ vacans, infelicitè
indè gerendorum inscia torpescat.
Laboris nunc vnicum nomen fati-

gat adedò multos, vt vel sine labore lassari, illum per-
quàm exosi deuitent. Timent scilicet, ne ad imma-
turam appropere ita senectam, vel ad anticipatum
vitæ casum, si laborent. Sperant verò ad Nestoreos
vsque annos inuidenda felicitate seuicturos, si otien-
tur. Hæc secum, nihil aliud agentes, meditantur
otiosi. Et si, quid ultra faciant, hoc solum, laborem
vulgo asperitatis inculant; prò otij iucunditate de-
clamantes. Quàm ergo opportuna defensio laboris
apud præsertim solertissimum confessum, qui om-
nium bonarum actuum negotio nobiles curas impen-
dit? quàm tempestiuo factum iure dictis, laborem,
quem segnis tucba exitialem euulgat, probare vita-
lem, otiumq; ad moerem vsquè nocuum exprobrare
desidibus? Hoc mihi desideratur vnum, vt sicut in
titulum gratiæ fauorabili adestis aspectu, ita dicendis
faueatis animorum assensu, nè quos antea obuijs hu-
meris subiulistis studiortu labores, videamini nunc à
vobis dispares ipsis, eosdem quasi nocentes prædam-
nare. Ego sane nitar ostendere, si qua est humanæ
vitæ felicitas, eam in virtuoso corporis, animi uè la-
bore collocandam; & si quid est, quod malis sit con-
scium, id infelici otio vitio vertendum. Nec magnus
potest labor instare pro labore pugnanti; quòd Ad-
uersarij strati otio, semperq; defessi pro victoria non
laborabunt. Fiet quoquè (quod est coactionis in-

tentio) vt, si cui vestrum malè suaso susceptus iam ingrauescat labor, encomio sui leniter leuauerit oneratum.

Et quidem in ipso causæ initio vultis cognoscere, Auditores, nullo modo huius asserti pendere fidem? Perparum, rogo, mecum totam rerum seriem altæ mentis perlustrate scrutinio. Iplis conreſtabitis oculis, tam vltra humanas mentes, quàm homine inferiore rerum plèbem nihil affectare cupidius, quàm operari: nullo bono assuescere gratius, quàm labori: nihilq; vel ingratissimum, euitare violentius, quàm otium. Atqui hæc, si ita erunt, immeritò post hæc dabitur dubietati locus, nūquid hominis quoque sit in labore felicitas. Deus igitur ipse cæterorum exemplar, & origo in suo maiestatis throno nunquam sessitauit otiosus. Quod aduercentes primæ notæ Philosophi, in disputationis agone certauere cōstanter pro mundi, contentorumq; in ipso Aternitate Rebantur (opinor) si Deus concinnasset orbem incepto æuo, in anteriori concessa quiete, concedendum etiam otium Deum; quoddæquè perhorrescebant, atq; (vt sic dicam) Atheismum. Enimuero non minùs repugnat non esse purissimo aui (Philosophorum noscite verba) quàm cum cessatione agendi potestas. Perinde, ac insociabilis sit sodaliti; cum Deo ab operatione cessatio. Perinde atq; ipsum Omnipotentem sacrilegi orij esset de medio ablaturæ debilitas; quod, cum nil agat, faceret tamen, ne Deus esset, qui non esse non potest. Potentissimam impotentiam! In quod quidem Doctorem placitum concederem & ipse, nisi yesiùs pernoscere, Deum, etiam ante creatorum opus, per immensa æternitatis

sæcula geminos suorum viscerum ingentes partus iu-
 giter edere: Vnum dum interrupto nunquam intel-
 lectus obtutu suam ipse contemplatur formam assi-
 duus; Alterum cum flagrantissimo voluntatis impe-
 tu inardescens, ad castissimam sui ipsius rapitur clari-
 tatem. Idcirco tentabam sæpius interpretamento
 saniori nostris in scholis desinere pronunciatum, quod
 ubiq; ferè scrupulosius audiueram exhibitum: Deum
 scilicet agere necessitate naturæ. Nunquam, Domi-
 ni, sum persuasus Philosophiæ Magistros eò venisse
 dementiæ, vt ita loquentes voluerint, Deum, qui na-
 turæ legem imponit, naturali legi subiectum. Cui
 non videtur exlex cui visus sit legislator? Qui fecit
 ergo necessitatis immunes, ipse ineuitabili iure sub-
 detur? Ipse necessitatis mancipium, qui multis suæ
 actionis elargitur dominium? Prodigalitas esset aua-
 ra, tantum negasse sibi, idem cæteris effusè prodige-
 re. Duo monstra vitiorum coniunxissent extrema,
 Philosophi, atque prodigiosam chimeram fecissent
 Deum; dumquæ necessitatem imponent illi, à di-
 uinitate auferrent diuinitatem. Non contendit hoc
 præfatum scitum; sed illius esto hic sensus: eadem
 necessitate Deum esse reperiens, atq; semper agentem
 aliquid. Itaq; non deprehendistis vnquam otiatum
 Deum, quin imò postquam rebus vberta bonitatis
 foecunditate inspirauerit esse, operandi quoque ple-
 nam elargitus est facultatem, vt suam quælibet iuxta
 naturam, suam, quàm maximè posset, æmularetur
 Auctorem. Suspicitis ideò concinnam cælestium
 sphaerarum fabricam, illosquæ prænitentium orbium
 circularis flexus, qui in sui imitamentum Opificis,
 nostriq; laboris documentum, perpetua circum sese

textura concurrant, atq; itrequieti semper, à superis
 ad ima se demittentes, hoc enixè præcauent, ne re-
 quiescant. Neq; vos fugit (naturalium exploratores)
 quàm perniciosum foret orbi calorum otium; nisi
 enim solitis circumageretur erroribus, exturbaretur
 ita consuetus inferiorum ordo, ut quæ ante alternis
 planetarū aduentibus, ex aliorum interitu sui ortus
 fumpserunt exordia, nullo ex ipsis vltra renascituro,
 interirentur. Si quiesceret Heu! Cælum; nullus-
 tūm Ætheri regiminis inspiraretur influxus; nec vi-
 tales exinde syderalis turix fauores in subiecta de-
 scenderent. Non post affulgeret æquali temperamen-
 to cor cæli, rectorq; temporum (sic solen appellō)
 neq; salubribus illius foueretur hæc ima fulgoribus;
 sed in alternante statu, dum illa radiorum nimietate
 splenderet, perpetuas orbi diffunderet mortis ym-
 bras: Aut si diū nostro occuleret Hemisphærio lumi-
 na, in illumina communis exitij nocte, uti mortua-
 les faces sublucere stellæ mundi funeribus. Hei
 nimis tunc solaris recessus inuidam moram! Nimis
 hei diuturnioris accessus iniurium statum! Cauete
 propterea per vitam vestram, otiosi, ne, dum otijs
 consulendum viuacitati putetis, exemplo vestrum
 otiosi discant, & Cæli. Sed enim quoniam vultis cum
 alijs habere laboris concorde vovm, cum pereunti-
 bus perstringeremini fato communi. Huius pericu-
 li iam pridem inauspicatò coniecit omen terrarum
 orbis, qui ad præces consuetantis Iosue, cum moran-
 tem Solem tueretur insneus, luctuosissima tunc fa-
 cie proprii occasus vespertū expauescebat in illo me-
 ridie. Quæ finitima quieti adhærescit vniuersi ruina!
 Cupitis Auditores mirabile magis descensu veritatis.

indiciū? Considerate quāso minorem orbium
attentiū geminatum motum: illi, quoniam à primo
caelo rapti necessitate feruntur in cursū, ne videan-
tur eubraritē cū coactē, spontaneū circuli ad
fatus moliantur obliqui. Cernitis, ut plena fide at-
testentur, & Caeli in motu maximum esse bonū?
Quis non videat etiam in testimoniū suffragiū ele-
mentorū venire compagnes? Hæc cū a primæ con-
fusionis commixtione distinguerentur; iugabili sta-
tū societate fuere connexa; Videlicet, ut vno sem-
per humore contraria inirent nunquam inducias, sed
incessanti discordia quodlibet concorditer cū inæ-
quali suam seruariet æqualitatem. Quod si, ex illis al-
terum aduerso cederet inultē, natura rerum in obser-
uata efficientium methodo, in præci Chaos facesseret
turbamentum. Quod tunc animantium prævidetis
fatū? Hæc sanè in vnius elementi perderentur vi-
doria. Aut enim prædominanti necarentur algore;
aut immodicis perusta caloribus orbem incolarum
orbicite facerent vastissimum. Propterea inter lites,
& rixas initiū rerū omniū, & vitā assignabat Empe-
docles. Placeat parumper, Auditores, à continuo illo
sydereæ reuolutionis excursu, elementorumq; agi-
tatione frequenti, ad vitam viuētia diuertere. Istuc
in laboriosa operatione ita reperietis industria, ut
id cōsiderantibus vobis conciliandus sit cū reueren-
tia stupor operosissimæ Diuinitatis, his adumbratæ
simulacris. Et ut reticeam præstantiora animalia,
quibus efformandis naturæ molitio plus virium de-
derit, & solertia; vnius (ut miremini magis) labores
APIS, & in agendo sedulitatem breuiter percurram,
Apum igitur vbi primum in examē conuerit virium
iam

iam incrementis roborata iuuentus, per amana prae-
torum, silvarumq; vireta discurrens, innoxio delibat
attactu flores, exhaustumq; succum breui in mella
liquandum sociali actionis assensu, concordiq; laboris
animo asportat ad alueum. Stuperes, cum in extruen-
dis fatis, quibus faucant fetus, iniussa accurrerent
omnes festinatione; & dato cuilibet singularis officij
praecepto, cum suo quaelibet operi vacaret intenta.
Mirabile visu! Diceres equidem, quamuis illarum
artificem natam; & dum vix docilis videtur, mirare-
ristamen elaborati ministerij magistrani. Sin opero-
so populo videant cōsociari fucos, qui frustra serian-
tes congestum deuorent alterius alimonium, quanta
seueritate euaginatae irarum aculeis insectantur pre-
dones! & ne videantur socordis vulgi, aut gaudere
commercio, aut otiosorum tolerare rapinas, imperi-
tos fucos, ignauosq; mulant eade, vel exilio latro-
nes. Equis igitur promptissima non subscribat atte-
statione, laborem esse illud commune bonum, quod
omnia concupiscunt? felicitatem inquam? In hunc
ingenito rapiuntur onere in anima; Hunc per urgen-
ci quærant appetitu sensata. Iures ergo, ibi latere
bonum, quod omnium noscitis spectare conatus. Addi-
te vos (Philosophiæ consulti) addite illa vestris sæpius
decantata Lyceis asserta, quæ publico omnium ap-
probante suffragio conuincunt, quidquid est, esse i-
deo, ut operetur. Causarum quoquæ tot genera, vi-
uentiumq; tot organorum varietatem esse in exerci-
tij gratia, tumq; suæ perfectionis accepisse plenitudi-
nem, cum sui quodlibet operis venerit in executio-
nem. Et si tantisper à vobis me discedentem permit-
teretis intrare Porticum, referre huius scæne parum

à vestris sensus absumiles. Stoici in totius boni culmine extulere facientem, adeò vt efficiētis antonomastico nomine Deum intelligerent, qui verò iaceret semper cessaturus, nemo moueat, prò materia sine mente despiciebatur, in qua omnis origo mali delitescit. Quid, quod pleniori ore asseueret Philosophia, quàm in mundanorum ordine nihil otiositatis extrare, nisi à natura degeneret? Operatio itaq; & labor superis, inferisque peroptabilis, omniq. virium nixu quæsitus, soli homini detestabilis erit? Homo, qui Dei, aliorumq; creditur medius, neutrius extremi participabit ingenium? Laborem necessitas ingignit inanimis, natura ingenerat animantibus, Intelligentijs utilitas suggerit, eundem ratio non persuadebit hominibus? Quod cunctis ex voto contingit, vnum infelicitabit hominem? Si quis hoc dicat, convincitur pænitere se esse hominem. Non est, non herclè, sine labore felicitas; quod sepiùs etiam aiebat Euripides, cuius quidem auctoritati, Auditores, est vel iniurata credendum. Ne putetis Sorte felicitatem accidere, à cuius firmissimo statu, instabilitatis semper rea Sors exulauit. Felicitas fortis infidelitate concessa redderetur infelix, quod festinata rapiditate perniox, sui ipsis ante uolaret accessum, & vanescens presentie varietate transfugeret. Quomodo nãq. lubrica detinebis, nisi apprehensis ficulneis, vel aspero simili? Fortuita felicitas perquam lubrica est, & à mollioribus manibus præcipiti properaret celeritate discessum. Callosæ manus, & quas laboris iam obdurauit frequentia, retinebunt tenacius. Quid miraretur Vis ne firmum consistere, quod fortis volubilitati nitatur? Vacillât semper inædificata, ni ruant. Quid quid

quid inertibus videbis accedere boni, semper crede
 damnosum. Equidem cum infortunium non raro
 speciem ementiatur prosperitatis, tunc certe suspec-
 tam crederem, cum ignavis confertur indebita.
 Hic enim dat lege, fortuna, ut extorqueat inexpecta-
 ta seuerior. Proinde indolescimus, Domini, adhuc
 Prothoparentis Adam beatitudinis amissæ. Ipse (si
 nescitis) ubi factus est homo, nullo præeunte labore,
 felicitate donatus, celebrato illi voluptatis horto
 præfectus est. At quia felicitati nullo partæ labore
 solent inuidere plurimi, adfuit idcirco Adæ capitalis
 hostis, qui fraudulento semper argumento versutus,
 rethnas, dolosq; serens, delusum Patrem innocenti
 illa fecit priuari voluptate. Scitis, cur tam de repen-
 te miseranda catastrophæ Tragediâ absoluerit Adam?
 Quia præ illa non laborauerat beatitudine, quam
 gratuitam, quam fortuitam acceperat. Nimirum, vel
 intuta felicitas, quam labor non tueretur. & nisi hac
 sitis ratione contenti, addam & aliam. Ideo ex flo-
 rentissima vita in afflictam esse deiectum, quia, cū ibi
 positus esset, ut operaretur, otiosus est. Amisit miser
 otio, quod erat agendo retenturus. Creditur
 nempe ad auram meridiei obambulasse, dum titillan-
 tis Fauonij solent efflantes animæ eblanditam quie-
 tem impetrare, dumque aëora sæpius susurrantis aeris
 modulatio ad aures grato crepitaret, appulsu, facilis
 cōiectatio est, eiusmodi pellectum inuitamento,
 paulatim indulsisse requiei. Quia verò vix dedimur
 otio, cum sternimur triumphati, meditor, tū ad fon-
 tis alueos herbescēti stratos amictu, arborumq; con-
 sistos opacitate prostratum Adam. Attendas, obse-
 cro, quam cæteroquæ piæ paradisi voluptatem, im-

pia corrumpat otiositas. Iacebat (forſan) ſegniter
 Genitor, cuius naribus omnigenus blandiebatur ha-
 litus florum. Placidus amans vndas conuoluens ar-
 genteas, lenesq; defluentis aquæ ſufurrus luſcinia-
 rum garritu miſcens, harmonici concentus ſuaviſſi-
 mas leges expromebat cubanti. Nec deſuere delitiæ,
 quibus detineretur quieſcentis aſpectus, quibus cu-
 bitus produceretur in longum. Circumſtabat (arbi-
 tror) perpetua amœnitate vernantes plagæ, quarum
 decor minimus erat verſicolor plebs floſculorum.
 Augebatur venuſtas à pomarijs quorumvis fructuum
 copię feracibus, in quibus pendula ſuſpexit poma,
 Hei memoriam! quæ, vel ſolum viſa, guſtui dulceſce-
 bant. Ex deſidioſo oblectamento in auidam nimis
 vergebat eſuriem Adam, quaſiq; famelicus vetitos
 tandem vorauit fructus infelicitatis. Nimis heu, nimis
 infelix otium, ſi etiam in voluptatum officiis para-
 diſo! ſi etiam in ipſo felicitatis ſinu, triſtiſſimæ ſortis
 machinaris infernum! Ecce tibi initium deſidiæ ſui-
 re beatitatem, quam ſine labore prælibauerat. O de-
 ſidia quàm noxia ſemper! Non ſolum non compa-
 ras quicquam uſquequaq; inutilis, ſed comparatum,
 ſed collatū damnosa diſperdis; & (quod miſerabilius
 eſt, quæ ad honeſtum ſunt facta delectamentum, in
 tuo crimine oberunt dehoneſtata. Non eſt, quod re-
 petam ſæpius, ſine labore felicitas. Quid videor au-
 dire? Dolentes ne (viri) querelas iratas in Genitorem
 effunditis, quoniam ſe, voſq; Gnatos hæreditariæ fe-
 licitatis iure nudauerat? Parcite Patri, licet erranti,
 nec cumulate conuitijs miſero mala, ſumma nãq; pe-
 nariū eſt ſola miſeria, ſupremumq; genus eſt infortu-
 nij, nuper fuiſſe felicem. Cohibete tantisper iras, &

obseruaté, quàm faciat miseria solertem, quem inconsultum fecere delitiæ; quam uè reuocât ad confilium aduersa, à quo prosperitas exularat. Oberrabat æctus in exilium Parens, & quaquâ flecteret versum, fontiminabantur ærumnæ. Sui ipsius tunc pænâ misertus, nepotumq; futuri damni pavidus anxie, excogitauit alterius felicitatis inuento primæ sortis compensare iacturam. Prouidentix præceptis erudiuit egestas, quem præcipiti sensu seduxerat eopia bonorum; distauit, quonam cōsulere modo pænali vitæ miseria: quomodo teneretur felicitas, incuriosa voluptas non edocuit. Scire cupitis, quid tot malis torqueri coacto occurrerit prò remedio? Quid cōsultanti oblatum sit prò leuamine? Labor. Laborem primus inuenit, quem relinqueret Natis, cui inuisurus nemo esset, nec posteritati rapturus. Labor dulciter obsonabat panem, quem cepit in sudore vultus sui comedere. Suauissimus labor, qui valuit solari memorantem lautiores epulas! Quid ni dicas felicissimum, qui beatissimi status exequauit amantitatem? Falluntur idèd, qui perinde conditioni misererentur humanæ, deplorant illud sacri Vatis infortuniorum elogium. *Homo nascitur ad laborem*. Credunt porrò in ærumnalem vitam relegari nascentes homines, vt primi sceleris noxam laboriosi sudoris lueret assuetitia: falluntur (mihi credite Viri) sauet partem hæc suspicatio decantatus hymnus. Valet idem dixisse hominem ad laborem nasci, atq; ad felicitatem. Vnam quippè naturam duo sibi hæc nomina fecere communem. Si labor loqui, si appetere posset, solam vocaret felicitatem, & hæc soli responderet labori: adeo vnione simul indiscreta coniungunt. Addite, eodem

consilio vaticinari Prophetam, Hominem nasci ad laborem, quo statim subdit, ad volatum nascituram auem. Quis autem obijciat auem, in volatum procreari tanquā in malū, in noxiū? Nunquā sanè letior auis, atq; ab insidiantis aucupij dolo securior, quā dum remigio pennarum in ætherē sublimata, ibidem velificatis alis innixa diuersatur. Videtis quā præstet auibus euolare? Quidai homini laborare conducet? Nisi audeant in tam elumato hominis artificio, in elaborato inquam miraculo, inuidi victrici inculpæ factorem, quoddauem tanquam filium in bonum, hominem verò, vt priuignum progenerit ad nocuum. Tunc sanè miserandum hominum genus! Indignum certè quod speciosissimi corporis induat effigiem, qua conditoris exemplar adumbrat, si vilissimæ sortem est inuisurus aicula. Non tam in lætitiā fusus Plato sibimet gratus esset, quodd natus esset homo, si opabilioris fortunæ alitem dignouisset. Probè norat quanti faciendus esset labor sapiens ille, qui vltimum vitæ mox efflaturus suspirium, testamento, quem vnicè diligebat filium, per insigni omnium copiarum genere fecit exhæredem. Rogatus cur tanta rerū, qua afiluent exuberabāt suppellectili, natum orbasset; respondisse fertur. Non nego hæreditatem filio, quem cariori reddam pignore ditiozem; relinquendo vnigenito laborum meorum æmulationem, omne obtinebit bonum, si laborabit. Viden, vt vltimum appetendorum labor ducatur? Opponeret fortassis otiosus, Patrem illum mortalis odij stimulis in filium ita testatum, vt vicarium vindicem subrogaret laborē? Arguitur vt inhumanus hæc ita cogitans, hoc enim vno inter mortis mæstitiam decedunt solamine Pa-

tres, si habeant in qua superviuant sospiram sobolem. Fuit et go non inuidiæ, sed hortamentum amoris sug-
 gessisse laborem, abstulisse diuitias. Audiui sapius ge-
 nerosi spiritus virum, qui naturæ succensens, quere-
 batur, quod sibi parcior non dederit tot oculos, quot
 Argo, tot sibi lacertos, quot Briareo liberalior Poe-
 tarum tribuit concessio. Cupiebat enim, ut si quando
 studentis vigorem sopor laxaret, parsq; vincenti som-
 no cederet oculorum, cæteri per diem, pernoctesque
 studiorum excubias alternarent; aut si quædam lassitu-
 dine brachia fatigarentur, reliqua incessanter exer-
 citium obirent. Expertus, scilicet fuerat, se tunc solum
 vixisse felicem, cum laboraret.

Desideratis Auditores, apertius felicitantis labo-
 ris claritatem inspicere? In damnosissimi otij mox o-
 bijciendis umbris parum sustinete conspectum. Non
 est bonum, siue illud dicatis corporis, siue animi, vel
 fortunæ, quod non prædetur ignavia. Quid sit alla-
 turum detrimenti corporeæ saluti, inuocati medicæ
 artis testabuntur aphorismi. Humano nempe corpo-
 ri instillatum virus putatur otiositas, & somniculosi
 de vita, ferunt, iam conclamatum. Inficit namq; se-
 dētem stupor inertix: molestè desidix lassat quiescen-
 tem, & laborum imperitus marcescit inter ipsos quie-
 tis blanditus. Dum iacet corpus, deprimitur nullo
 grauatum onere, torporeque sensim arefcit; & nisi
 laborem irroretur humore, breui labat spatio abso-
 lata mortalitas. Adstipulantur longo rerum expe-
 rimento firmatis medicorum decretis, maturæ quo-
 que eruditorum sententiæ, qui passim cum morte
 morum egiegus reformator Seneca, otiosum non si-
 bi

bi viuere, sed turpissimè somno. Menandro iners visus est febricitante inferior. Latialis facundia Parenti Tullio, qui nihil ageret, penitus videretur non esse. Quomodo enim viuere affirmes, cui quidem nō est causa viuendi? Qui nihil vita peragit dignum, tumulatis similior est, quàm uiuis, nihil enim morti similis, & tumulo, quàm otium.

Quid his responderet obiectibus mollis curiculæ curator, qui laborem aufugit, ne consumptis inter agendum spiritibus emoriatur? Tacebit, opinor, ne labores excogitando responsum. Quod si solo negationis nutu renuat, suscipiendum laborem, quod præcox ad senium ducat ante iuuentutem: testor nomina reuerenda Plutarchi, qui accuratius obseruat, contrahi senium; & cariem in otio, & vitam sedentariam non corporibus modo, sed animis quoq; conciliare inarcorem. Non tam pestis, cum grassanti inualefcit clade, de mortalibus malè meretur, quàm illætabile otium. Ab illa solùm extinctos homines fugemus; per hoc ipsa regna deuoluta queruntur Politici, cum ad vnius Sardanapali socordiam intendunt; quas quidem mundi ruinas lamētatur Catullus.

Otium, & Reges simul, & beatas

Perdidit vrbes.

Hinc nullum inter legum Auctores inuenies, qui à sua Republica non vellit extorrem ignauiam; quandoquidem, ut, vel venustissimi corporis formam decorat putridum membrum, ita compositam ad felicitatem urbem indormitans plebs deuenustat. Propterea Solon ineptè quiescentes crimine notās, si deprehendebantur, ipso facto accusantibus decernebat obnoxios: Ducebat scilicet, inertiam inuidiosissimum

fore hostem, non extra, sed domi, sed in visceribus, qui pigritantes adoriens ineluctabili premeret obli-
dione. Timebat intestinum hostem, licet nō urbium
mœnia concutiat, non elidat septa castrorum, quam-
quā non expilet opibus domum; cauebat inquam,
id quod ipsos sine pulsu arictat homines, quod euiat
turpiter viros, quod deformat sexus dignitatem, quo-
uē decor omnis, vigorq; sexus dehonestatur. Legis-
latoribus verē excellentior Plato, ut in sua Republi-
ca contemplantium Ciuium concors expediretur fa-
cilitas, omnes Ciuitatis actiones in communem feli-
citatē participationem direxit. Aequē singula om-
nibus, ac omnia singulis statuebat, ut in eandem con-
currentes laboris contemplationem, æquali omnes
fruerentur tranquillitate. Putasne, Platonem permis-
surum otiosos, qui Poëtas exclusit, nec suo quidem
indulgens Homero? Si rogares, cur tam inexorabi-
lis releget Plato Poëtas, qui, alioquin in omni labo-
rum genere exercentur; & in quos alibi laudes om-
nes acervatim infundit: ab eodem instrueris, quia
quod laudabilius, inquit, in Poëta dignoscis, est imi-
tatio, cui totus incumbit. Imitator verō solum facto-
rum exprimit imagines, ipse non facit. Heroicæ vir-
tutis formas effingit quidem; ipse tamen quod simu-
lat non operatur; & dum umbris verum cernitur,
in quē simulacris agendis moratur diutius, post lon-
gum laborem summa erit operis emēritum esse, per-
egisse nihil. Factores quærit Plato, non factorū imi-
tatores. Romani in omnia Deorum genera, religio-
ne conspicui, Deos illos, qui homines in aliquod vi-
derentur exercituum impellere, inter mœnia recep-
tos piē colebant, ita ut Roma plena Deorum prædi-
ca-

eretur. Vni verò Deæ Quieti, non est Romæ locus
 inuentus. hoc, puto, consilio, ne ciuibus inspiraret
 incuriam. Pauebant forsan, ne quicquid plurimum se-
 culorum bellicus labor parasset, vnius diei disperde-
 ret quies; neuè viros, quos constans Aduersariorum
 roborauerat virtus, debilis elumbauerat otiositas.
 Memorare Aphricæ domitorem Scipionem, qui fero-
 cienti Populo imperterritus semper, cum nullus ta-
 men esset, qui absterretet hostis, otio territabatur,
 quod nouerat, id valens quoque triumphare victores.
 Quem non facit periculum Annibalis cautum? Tot
 ille euicerat, quot inuaserat Populos, tot clarescebat
 palmis, quot præmia confecit; attamen eius in castris
 semel admissum otium, hospitem suū tot exercituum
 Triumphatorem eneruauit, expugnauit, subiecit.
 Deierarem A. A. Mortem in nostri generis pactam
 cum otio, vt hoc dissuadente laborem, inde quiete
 debilitati homines non sufficerent vitæ tutamini; ip-
 sa verò improvisa falce nulla sibi obluſtante defenſa
 frequentior detrunicaret imbelles. Quid plura com-
 memorem? Appello vos, quos prætereuntis æui non
 præterit memoria, historiarum loquor studiosos; re-
 censete vos mollissimæ quietis ingentia mala, sug-
 gerite stolidissimi otij insensissima damna. Quamnam
 urbem deploratis euulsam, quæ supra mollitiæ iacen-
 tes non corruerit? Cuiusnam Regni condoletis oc-
 casum, quem umbratiles stolidorum accubitus non
 induxerit? Audi hæc negligens vulgus, & in poste-
 rum iniusto tempera questui, si vrgeat pauperies, si
 vexet miseria. Nec exprobres fortunæ liuorem, si
 vix tibi vitam mille occidentem mortibus permit-
 tat; neq; sydereos cœtus quasi tuis aduersatos votis,

inque tuam contritos perniciem crimineris: omnis
 quippe mali sola conscia, atque vnicè ministra requies.
 Hæc cæteros inter morbos primum sibi vendicat pri-
 vilegium infortuniorum; in hanc ergo solam male-
 dicta et aculetur inuita patientia. Quid porro crede-
 res Otiose (Terentij sunt verba) dormienti tibi con-
 fecturos Deos? Nilul hi, nisi mercedis titulo, con-
 tulere nobis, qui multum gaudent spectando cum la-
 bore luctantes. Solum luctum præbuere gratis, ut
 flere possemus, cum accidiosi ærumnaremur. In cas-
 sum aurei seculi attendis reformationem; non illa-
 rerum omnium affluentia, non posthac passim vel non
 querenti occurret; à folijs dudum stillantia mella
 discussit indignatus Saturnus, quod tulerat ægrè vè-
 terno sua regna torpere. Nimis habes nimis, si vitam;
 nihil tamen tibi profuturam habenti. Et o illud vsui
 mandaretur indictum, *Qui non vult optari, non man-
 ducet*. Equidem cum fame saltem laborares Ignaue,
 tua forsau fames solertissima foret, & dares adagio
 locum.

Ingeniosa fames omnes excuderit artes.

Quàm vellè illud quoque Ciri placitum impleri, Ho-
 mines, qui sibi libenter nolunt labore prodesse, esse
 abigendos imperio, ut aliorum coacti seruiant comodi-
 tatibus! O in nostrum etiam veniret vsum, quod iam diu
 pro lege fuit Indorum! Tunc posita mensa appositis
 edulijs conuocabantur iuvenes, & qui nihil, quod
 fecisset, afferret, impransus ad opus foras extrude-
 batur. Cur propterea dissimulatis inulti vos Latores
 Legum, vos Urbium Rectores otiosorum facinus?
 Quid in feriari semper consuetos non animaduerti-
 tur? Vbi nam seueriori opus est iudicio, quam vbi in-
 omne

Apul. in
 Florid.

omne nefas in procinctu præceps ruitura est pigritia?
 Date frænum impotentissimo otio, & fiet indomitum
 vitium. Cur saltem non depauperatis otiosos? Præ-
 statis otianti illecebram, si bona sperare licet sine la-
 bore, & retinere possessa. Condemnat seipsum tan-
 quam omnibus indignū, qui laborem recusat. Quid
 ergo suo iam damnati iudicio pœnam differtis? Om-
 nibus est expoliandus bonis ignauus, cum nihil pro-
 prij, sed sit alienæ rei possessor iniustus. Quo enim
 titulo suum dicit, pro quo non laborauit? Ecce vobis
 ingenuè confitentem sapientem, se nihil habere, pro
 quo non laborauerat: quale, inquit, istud bonum ^{Lips lib. 2. ad Stoic Phil.}
 meum est, quod industria, scientia, exercitatio mea
 non peperit? Restituite laboriosis omnia bona,
 omnia illorum sunt, & congruunt, debenturq; felici-
 bus. Quod si pro sui tutela diues iners fortunæ donan-
 tis sibi proferat indulgentiam, instantiam oppugno:
 quoniam fortunæ iura sunt nulla, leges nullæ, ni-
 hilq; donationis pacto confert, sed mutui, sed pigno-
 ris. Emendate, inquam, Moderatores orbis huius
 fortunæ elargitionis errorem, illiusq; morantes ac-
 celerate redemptiones. Secus si diutiùs tolerabitis
 socordem ditescere, fortuna tandem vobis æquior,
 quem immerita fecerit largitate felicem, faciet com-
 pilatrix paupertate tristantem: & ne semper videat-
 ur consilij impositus, auferet tandem quod vos iniquè
 permittitis, quod ipsa indignis cæca contulerit.

Dū hæc iusta imprecor otiosis, videtur mihi sua ipsi
 iactare solatia, sibiq; blandientes ita submurmurare.
 O quam iucundum laborum vacare periculis! Quam
 suaue in tranquillæ quietis sedere tutam æto securum!
 Procul hinc tristes, procul abite labores: procul hinc

vestras deportate molestias. O hæc dixissent Herac-
clito! Seposito herclè parumper planctu risisset, nec
omnia ei deploranda fuissent, si audisset hæc irriden-
da narrantes. Cum quibus tandem hæc tam inepta
proferunt? Nempe nobiscum, qui licet non omnia
asserre vellemus incommoda otij, scimus amplius,
Lernam esse malorum. Quæ quies, quæ torquet labo-
rioso fastidio ubi conceditur corpus? Suis nè carce
laboribus otium? Innuere, rogo, iacentem: nonne
dices fatigue languentem? Quid, quod laborem
molestæ acerbatis inculcant, qui vnotenus nomine
est asper? Timiditas, mollities, somnus, & si quis est
alius sessilis vitæ morbus, fecerunt laborem asperum.
Nulli, Auditores, nisi laborare nolenti recrudescit
labor; lubenti verò, & suo labore contento gratissi-
mus est; Expertus loquor expertis. Ipsi vos scitis, quæ
consuetudine sua fiat iueundus, quàm in usu proficiat
ad dulcissimæ voluptatis præmium. Ex hoc vno de-
ducant laboris dulcedinem; etiam peractus iucundis-
simus est, etià illius memoria dulcissima, iuvat etiam
meminisse transactum. Perpetuo à molestia se dior-
tio subducens labor, cum voluptate individuum per-
mixtionē inuit; sunt etenim eiusdem partus gemina
proles, enascentes simul, simul intercunt. Tandiu
fueris, quamdiu laborabis; labore cessante, in ipso
tristaberis otio; nisi laboris præsentimemoria dele-
steris. Verum tamen est, quemquam sponte laborem
sumere necessum esse, ne imponatur invito, ne ferat
necessitate fastidium. Magna siquidem virtus est vo-
luntarij laboris, qui ipsius violentiæ paritiam le-
uiorem efficit. Quocirca si premat labor interdum,
si vrgeat, premas, vrgeas, & ipse labore, quod labor

27
labore vineitur, & cōstantia hoc præstat mirandum,
ut patiens generosa apathia fiat impassibilis, aut sal-
tem miret scilicet passio, ne sit ingrata laboraturo. Quid
non cogit quantuluscumque vsus rei etiam molestæ?
Arduum ad mediocritatis temperiē reducit assidua
exercitatio, & (quod ipse vis crederes) mutat poten-
tissimè naturas rerum in melius magica sedulitas. Vis
huius dicti fidē auctoritatis teste firmari? Esto Mithri-
dates, qui frequenti venenorum potione corpus tu-
ratus es adeò aduersus venenum, ut illud alioqui no-
centissimum tibi redderes innocens, etiam cum mo-
ri volebas. Vsus nimirum obtinuit, ut pro alimento
gustaret Rex ille quod cæteris extremum est vitæ
nocumentum. Si iuberet laboranti vito ad ferre con-
simile; proponerem Hydram, quæ interciso corpore
erat validior, cui nec vita productior, nec poterat es-
se securior, quam ex mortibus. Nam inter capitum,
membrorumq; eadē tota ferè rescita viuacior mor-
tali cum ferro certabat. Ab ipso vulnere cruor emis-
sus nouos vitæ spiritus immitebat, & per mortem
vnam, vitæ multiplicatæ crescebant. Si Hydra vide-
tur vobis spectrum horribile, recordor Antheum,
qui in palestrico ludo, dum luctæ labore, caderet fes-
sus, robur sumebat ex casibus. Dabat lassitudo vires;
dumque credidisses iam agoni cedentem, vidisses
illicò vegetius assurgentem attentare victoriam. Sic
inualescimus laborantes, ita reficimur, quia detrahitis
se ipsum operanti labor, & contra se nigentem corro-
borat. Quàm itaq; intolerabiliter errant, qui labori
molestiam, qui otio delectamenta consociant; Verè
in somniorum illusos dicerem laruis, qui dum in plu-
mis volutati stertunt, credunt se felicitari, cum som-

niant. Infida est somniantis fides, qui inter somnia sibi læta confingens, eum expergiscitur, mæstissima contristatur fallacia. Mæstis crederem potius esse delectandum somnijs, quàm lætis, quòd post mæsta nobiscum congratulamur deceptis; lætorum verò sepe reprehendimus infidelitatem. Heus quandiu isti indormirabunt Endimiones, & perindè ac mandragoram ebiberint, stoliditatis letargo sopientur? Non valebit ergo rerum omnium iniquies agitatio excitare quiescentes? Illa ergo Calorum indefossa vertigo, rotantiumq; stellarum sonorus excursus non exciet illos à somno. Et volucres per æthera venti, qui morarum nescij instantibus ictibus volunt omnia motare, immobilem linquunt leuitatem ineritum? Cogita deses (nisi etiam cogitare graueris) cogita, An Deus immotus alioqui, requiescat? An immensum licèt firmata per statum Æternitas, pereurrentis motus dedignetur imitari successus? Et si in tam celsa mentem eleuare non potes, suspice solem, an procrastinatus vnquam mora suspensos denegarit aduentus. Si adhuc isthæc te non moueant, moueat tempus, quod præ festino vegetans cursu, atquè irreuocabile fugiēs, cubantium citiùs durationem absoluit. Caue ergo huius breuitatem, pertimesce celeritatem. Qui modò iaces funerato consimilis, voles forsàn inciperè vitam laborando, cum iam interfluxerit tempus non reuersurum. quia.

Silius,

Currit Mortalibus Enim,

Nec nasci bis posse datur.

Tunc factas per trita momenta iacturas agnosces,
quando amissi temporis nō eris ultra redemptor op-
portunus. Morieris miser, nec te vixisse habebis vn-
de testeris.

Sed

Sed deferamus enervatæ vitæ cultores, quod satis arbitror, erit illorum tot mala exprobrando non sse ad laborantium felicitatem latioribus verbis præparatur accessus.

Si inducerem (Eruditiss. Viri) supra ducētas octuaginta de felicitate sententias, quas fuisse monuit, quæ nihil latuit sapientiæ, Augustinus; nullam audiretis, quæ non desideret præ suæ fruitionis nectare laborem. Si campi tibi describerentur Elisi, quos composuerat sibi felicitatis humana cupiditas, ac cuilibet promerenti debitas impertiuerat partes: audires omnes, quos conficta dixit opinio beatos, in labore consummare delicias: audires, inquam, Platonem per Cæli latibula curiosum suas sedulo disquirentem ideas. Suos ibi multiplicaret numeros Pythagoras, nullius ultra cultor silentij. Deuoluentem studiosè sphas demirareris Archimede. Videres Euclidem in mensurarum spatia digitos sæpè laxare. Circumvolantibus sine quiete Atomis occurreret circumfusus Democritus. Caneret Homerus Græcorum, Teucrorumq; labores sollicitus. Ophæus, Arion, Aristoxenus accurrerent festini aurata testudine flexanimum modulantes concentum: & inter celeres digitorum motus laborioso melodiæ concursu plenitudinem cunctisonæ voluptatis exprimerent. Tota denique fruuentium felicitate delecta multitudo, in alicuius operationis negotio se beari contestaretur. Non est, non hercle, sine labore felicitas.

Supereſt ne adhuc, qui suasioni nostræ neget induratus assensum? Ipsum interrogo. Quid nos, quibus paratur felicitas, in ipso natiuitatis exordio illacrymamus? Nondum vitæ conscij, & iam eruditi lacry-

nus prænuntios infelicitatis vagitus emittimus. An
num fupram prosperitatem praesentes inaugurant
lacrýma? Cur inquam nascimur flentes? Si mihi ita
querenti mutescat otiosus, etiam verbis avarus, ipse
de meo dicam: idè de fler nascendo infans, quoniam
tunc impotens animo, viribus imbecillior laborare
non potest. Et quamdiu tarditate virium prohibetur
ab opere, tamdiu producit euolutus, frequenterq; se-
licitantis laboris deplorat ingratas moras. At post-
quam absolutus à fiscijs in corporis plusculum robur
euaferit, intermissus planctu, diuturnioris quietis im-
patiens, corpusculum vergit hinc inde citissimus, &
in illo rudis adhuc artis, imperitequè operationis usu
latrans, gestiens, ridès, conuincit inficiantem in exer-
cizio degustari voluptatem. Erubescat iners dedi-
scere: atq; quod infans non erranti fecit instinctu,
pudeat, quod dicat ratio, adultum emittere.

Contendit ne quis ynà cum Epicuro, & Simonide
felicitatem agnoscere pro parente diuitias? Habuisset
illam Cræsus: nec cum multiugis diuitiarum copijs
assueret, de sua felicitate dubius ad loquacia Phæbi
antra augurem Pitium legasset, & scrutaturum quis
esset Cræso felicior? Nec ex tripode responsum esset,
Aglaurū in angustissimo Arcadiæ angulo prædiorum
proprio exercentem labore, Cræso feliciorē. Feli-
citas in diuitijs? O miserè deceptos Cynicos, qui nu-
di, famelici, vacui rerū omnium, vobis contenti so-
lis delicijs iactabatis! O inuidiosam nimium panpe-
riem, si ærumnosæ nuditati, etiam dolos annexis!
Darem tamen vltiò felicitati humanæ opus esse diui-
tjs, licet Stoicorum dogmatibus refutari me scirem,
qui nullem admittentes bonum præter animi in nu-
da

da virtute, in solo honesto beatè congaudent. Da-
rem, inquam, diuitias pondus addere ad felicitatis
hanc lancem. Atqui, nec Epicurus quidem diuitias
quærenti quietis suæ foret, sed præ cæteris vnum
intimaret laborem. De raris namq; prætiosisq; rebus
ita natura disposuit, vt præclara quæq; trans asperum
asseruata callè lassarent trepidos pedes. Si quicquam
splendidum audes, nisi neruis omnibus pertinaciter
instes, casso citò conatu, quod quæris non conseque-
ris. Hinc est, vt videas cuiuslibet præmij exfortem
ignauiam. Non est citra laborem peruium auri, gem-
marumq; lucrû, sed transponenda sunt maria ad emer-
solis vsq; cunabula, altioresq; illorum penetrandi fi-
nus: cuiuscerandi sunt montes, atq; intra penitiores
magnæ parentis aluum iniuriosè fodiendum. Si æquè
accessa essent illustria pigerimis hominibus, ac viris in-
dustrijs, quid cederet discrimini inter virtutem, quæ
difficultate nutritur, & stoliditatè, quæ fouetur iner-
tia? Quomodo distingueres à vulgaribus Heroes?
Concedendum est Auditoribus in Sophocleam gnomen,
necesse. s. esse elaborare volentibus fortunatos esse;
quoniam ex Epicuri obseruatione, omnia Dijs mor-
talibus nobis vendiderè pretio laboris. Proprietas Di-
uinitatis est incontestata viris, assequi maxima extra
sudorem. Et quidem hoc prouidentè puto consilium;
Acquisitissimo quippè Deus munera dispersit arbitrio,
beneficiorum suorum indignatur spem arridere tor-
pentis: & ideo bona omnia difficultate vallauit, vt so-
lo laboris impendio eadem inercareris. O iure! ò
merito! Sic enim laude discernes ab Iris Hercules, à
mollibus fortes. Adhuc, nihil pro magnifico repu-
tatur quod facile sit obtentu. Vilescit totum quod

Apud
Stob.

licer, cum sine labore spernantur inuenta. Aestimantur verò solum elaborata. Vis hoc attestantem, atq; adeo definientem Arbitrum?

Petroni
Arbit.

*Ales fasciis petita colchis,
Atq; asra volneres placent palato,
Quod non sunt faciles: at albus anser,
Et pictis anas enonata pennis
Plebeium sapit.*

Ità quidem, quia vicinum habent vltro permissa contemptum.

Exiuit dudum ex Epicureorum prostibulis, Sybaritarumq; fornicibus euulgatum hoc profana loquacitate dictum, quod nostrum ad vsq; æuum deriuatio sera traduxit: hoc est, à turpi voluptate expectandam beatitudinem. Proh pudor, inuersiq; mores! O incurritæ linguæ portentum! Accurrite vos agmine toto Academiæ, Lyceiq; alumni, qui in sola virtute felicitatem asseritis. Et tu quoq; Stoici pudoris cultor Seneca, qui non semel clamasti, summū bonum esse, & solum, quod honestum est. Indicite vos silentium impuro ori, cuius vel ipse spiritus impurus redollet factorem audientibus. Satis tandem, satis sit datum hac voce flagitio, & quod nec sine quidem scelere cogitat, erubescat impudentia (si potest) eodem purgatas aures inficere. At si inconditæ plebis infrenat vulgus, & se velit falsissima opinione securum, cum nullus sit dissuasioni locus, vbi sine lege petulca strepit impuritas, concedamus semel, Auditores, inlegantem voluptatem felicitare, quòd quamuis pericalum contrahendi ruboris incurrimus, causæ tamen susceptæ non periclitabitur persuasio. Nam nusquam improbiori opus est labore, quam vbi mendicabi-

gatur voluptas. Ad testimonium cito præterita iam-
diù sæcula, quæ vnus ob libidinem, immensi laboris
occupatione diù iacuerè fessà, quæq; ad extremum
vsq; debilitata spiritum, vltiori status duramento
non suffecerunt, Troianorum sæcula loquor. Ille Pa-
ris iam mundo famosus infamia, in Graiæ mulieris ra-
ptu se suæ cupidinis sperabat vastitatem implere. Im-
perauit idcirco libidine præceps sperata voluptas ex-
peditiones in Græciam: & minimus, qui prævideretur
sufferendus labor, fuit viduati Regis, violatiq; Re-
gni sustinere vindictam. Prius fuit alterius Imperij
præuisum excidium, quàm infandæ voluptatis, vel
solo voto iniuisse possessum. Quàm pretiosa voluptas,
quæ vnus Regni emitur pretio! O Deus, quæ vo-
luptas est, quæ felicitas, anxie quæritare quod non
assecuti dolebimus, quod timebimus, ne perdamus
adeptum? Quod ad rapiendum sollicitat, quod cum
rapuerimus, est raptui obnoxium? Vbi est illa securi-
tas promissa felici? Miserū ita felicem, qui postquam
euauerit fumo citior saturata voluptas, nil retinet
felicitatis, nisi fel. Quod si quis subderet, se suæ gna-
rum mediocritatis, non affectare Lædas, non raptu-
rum Helenas, neq; si qua est, aliam laudati vultus A-
riannam appetere, sed in vulgari voluptate conque-
scere; repetam ipse statim, illum adhuc ad peringen-
tem mortalium laborum tolerantiam præparari co-
gendum. Etenim plebeijs etiam voluptatibus distri-
ctori cura inhiat Populus, quas aut violenter infran-
nis vsurpat, aut, si id nequeat, ipsis tamē inhaeret cu-
stos impigerrimus. Nihil ita obseruatum offendes, vt
popularē voluptatem, cuius plerumq; fructum cum
vulgo rixa frustratur. Misericordia referrem, nisi pude-

ret me isthæc dicere, vos itē audire : nisi timere ne de-
testata etiam obscenitas contemneret memoriam.

Adeamus, quæso, Viri, de felicitate consulturi
mente saniores : adeamus Platonem, qui in veri ve-
stigatione nihil est, nisi Diuinum sentire solitus. Huic
definitum fuit, felicem illum esse, qui gloria apud
homines excellat. Age, sit, vt vult Plato : Si tamen
credis ita docendo, laborem excludere, obliuor. Sic
n. sterneret Plato, non strueret felicitatis Asylum.
Sit, inquam, in gloria felicitas : Quid autem gloriæ
potest sibi parare sepulta illa segnities? Gloria in glo-
ria est, nisi pro illa sit laborandum, nec talem exopta-
rem, & ego cum Zenophane, quia mox inuidorum
arbitrio mutanda sit in probum. Furit sanè vbiquè
inuidia, sed ibi molestius, vbi honorem spectat ocula-
ta fortuitum. Solus est ab inuidia labor immunis. So-
lus est ad gloriam labor ascensus, cū non sedent ob-
uios passim inexpectati honores, sed difficilius, quàm
ex Hammonis fonte hauriatur aqua, à liuentis iniu-
stitiæ tenacitate sint extorquendi. Hinc videris ad
veræ gloriæ Tarpeios per laboriosum belli molimen,
per summi laboris vires, fessos, ac vulneratos sæpius
subuectos Cæsares; nec enim assolent, nisi inter sudo-
rem, & sanguinem, fructicare palmæ triumphorum.
Etenim.

Inuat ire periculis ad decus,

Et sanè

Herculem duræ celebrant labores.

Silius
Boet.

Ad celebrati nominis granditatem sustolluntur so-
lūm, qui in scientiarum arcola viuaci sudorum hu-
more irrigant gloriosas Laurus, quæ in famē postmo-
dum perennitatem virescentes, tandem contextuntur
in festa.

Audi.

Audiuerit fortassis grauitas vestra Auditores, dicentem in natalium nobilitate, maiorumq; in attritis carie imaginibus felicitatem consistere; proindeq; satis sibi felicitatis, satis sibi bonorum relictum à Patribus. Si vobis placeat, Domini, concedite hoc ita loquenti. Mihi quidem semper visa est fors inuidenda, ex originis splendore primæ lucis traduxisse, dilucalum, & in ipsiſcunabulis sine merito meruisse, reuerentiam. Curiosioribus tamen nobilitatis arbitris, in iniuriam inertium non collibet illos felici Parentum cooptare collegio: factoque iudicio hoc dant inertix supplicium: volunt, vt in dedecus enarrantis sit patria facti memorare; aut, si otiosus suorum facinora inuerecundè laudaret, ipso dicto, decernunt aduentitix nobilitatis exhæredari. Nostis, quàm iuuet parùm adulterino stemmate Auorum imitari nobilitatem: quàm parùm intersit, Antecessorum semper laudatorem audiri, nisi proprijs in operibus, in suis quisq; laboribus collaudetur. Non estimantur nostra, quæ nos non fecimus. Noster est honos, qui nobis post meritum vti debitus restituitur; alienus, quem postquàm acceperimus, adhuc nobis restat laborandum, vt mereamur. Error est naturæ, si nobilis (Ignaue) nascaris. Glorieris igitur te esse errore felicem? Labora, vt videaris meruisse natales illustres, errantisquæ naturæ culpam laboribus emendasse. Qui tuorum tam frequens excellentiam euulgas, & nihil profers à te factum egreglè, euita Senecas, fuge Tullios, declina à Marijs. Primus iactanti tibi in sulcabit, nihil stultius esse, quam te eo tibi place, quod non feceris. Obiectaret ita secundus: Tu tuis vita, quam tu rpi ter agis, magnas offudisti tenebras.

Senec. E.

pist. 74.

Ciccr. in
Salust.

Marius a- Exprobraret vehementius tertius, cò flagitiosiorē
 pud Sa- esse tuam ignauiam, quò tuorum fuerit vitā glorio-
 rust. rior. Si cupis tuorum clarescere meritis, fac, ne illo-
 rum sis tu dissimilis; quia non congruit decus idem
 disparibus; nec est nobilitatis argumentum, Atauo-
 rum virtutibus degener sanguis. Si vis hæreditaria
 collustrari virtute, est aliquid virtutis addendum hæ-
 reditati, quoniam cumulantem se se illustrat solum
 patrius splendor. Et certè tam indecorum creditur,
 ignavos filios vetustam Genitorum antiquare cele-
 britatem, quàm reputatur honestum, recenti virtute
 nascitur is inchoare nouissimam. Fac ergo tu quoquē;
 quòd splendide factis hæret vera nobilitas, ab hac ve-
 rò parum felicitas abest. Recenseant alij alias de fe-
 licitate sententias; omninò nobis omnes suffragabū-
 tur; omninò non erit sine labore felicitas.

At quid coner vltra similia prò labore differere, si
 pleniori rerum obseruatione grauiora diceretis vos,
 qui in antiquitatis annalibus frequētius obuersami-
 ni? Diceretis non modò bonorum extremo frui labo-
 riosos viros, sed supra communem felicitum sortem,
 in Cælitum etiam adoptionem electos. Sic Hercu-
 les, sit Nestores, & id genus alios laborum toleran-
 tissimos in Deorum Senatu consecratos, eisq; in Cœ-
 lo regendi mundi destinatum officium. Et ne quis o-
 bijceret, hoc de adulanti fabularum fictione venisse;
 præter apologos, demonstraretis etiam, laborem Di-
 uinitate rem dignam habitam semper. Quis in labo-
 ranti viro negaret deitatis vestigium, si ad Platonis
 pedes prò sua laborantis Republica idolatram con-
 spexisset Dionysium? Tyrannis nescia Diuinitatis
 nouit adorandum laborem. Labor Prothogenis
 erum-

erumpentem in Rhodum populaturum Demetrium, ^{Plut. in} nonne compescuit ita, ut putarit sacrilego temerari ^{vita De-} reatu, nisi in illius picturæ miraculo Vrbi pepercisset? Sic laboriosa certamina Pindarico decarata plectro, in Thebarum perniciem ruenti Alexandro persuasere clementiam. Sic immanissimus Tyrannorum Phalaris Stefichori labores in templo reuerēdos exposuit. Sic sexcentis alijs erecta delubra probant, operosos homines ad Diuinitatis, usq; æstimationem conscendisse. Quis neget ergo id præferre diuinum, quod quadam maiestate prænitens, tot impios fecit se reuereri pietate?

Interrogaretis rursus; quis ultra statas mortalibus metas, ultra, inquam, Gades excursauerit illex? Responderetur, Labor. Quis inuictam naturæ deuicit inuidiam, quæ mirabiliora ab hominum remouens usu, visuq; vel interfusis determinauit æquoribus, vel inhospitum interstitio terrarum abiunxit? Labor, qui inuitis quibusuis obicibus, omne ponit secretum in publico, omneq; dat obtineri prohibitum. Hi cuius sunt conatus? Alicuius certè, quod nullis naturæ iuribus astringatur. Interfluentis item Oceani inexhaustas undas sæpius exussisse, & per liquecentium illius viarum discrimina tutò transijisse: montes in imas deiecitse valles, vallesq; ad summa montiū sublimasse cacumina, cuius sūt facta? Omnipotentis laboris. Hæc etiam sunt inter minima illius molimina, si menti succurrat primi sæculi Gigantiū audacia. Illi comætarum expedientes ad Cœlum, non per Olympi semitas, sed per extructam turrin æthereos recessus peragrarẽ, confidebant; & si illorum tentasses animos, nouisses ausos, Cœlum imperuio licet interuallo discretum,

com-

commiscere terrenis; aut mortalibus velle immortalium continuare rempublicam. Et nisi fabula minueret veritati fidem, commemorassem recentioris ætatis nō minūs per laborem audaces Perseos, Orphæos, cæterosq; qui per inuia telluris arcana nondum conscia callis gloriati sunt, se ad vsq; tartara permeasse, Indèq; (quod opus, & labor est) violatos manes ad interdictam lucem secum ducentes, ad superos reuocasse gradus. Quid, quod non possit labor? Vidistis, ut prompteveniant in discrimen omne laboris ausus? Ut fidentiùs securi, omni difficultate grandiores, nullo vellint impossibilitatis nexu constringi? Impossibilitas non intrat, vbi labor occupet locum; non terret difficultas, vbi labor assistat. Quid hæc? Non dubia omnipotentis signa produximus.

O si vestram hic vos Theologorum Mystæ subsignari velletis auctoritatem! suis forsan clauderetur punctis absoluta contentio, albisq; fortè sapientiorū calculis approbaretur. E differatis, ex obsecro, quæ vis, quis vigor sit in contemplandæ diuinitatis negotio, quænam ex illo felicitatis fonte corriuantur speculanti delitiæ. Non sanè contemplantem animum retardat interiecti loci tractus immensus, nec ære duriores obliſtunt obuiantes cæli, neq; tandem occurrens exanimat ascendentem multiplex infinitudo, quin intra Deitatis latibula sese totum insinuet. Eo autem dignatus accessu animus, quid non grande pertentat? minor cæteris illius nixus est, immensitatem velle Metiri, anteire æternitatem, & subsequi; nondum comperta satis explorare secreta; & complicato quasi velamine, quo viuenti celatur, inuisibile contueri, His grandescit ausibus, his cælitū assuescit